



Te Wāhanga Ako o Pāngarau Tau 0-10

Te 20 o Oketopa, 2025

Te Take Mātāmua 1: Ko te waihanga i tētahi marautanga e matatini ana ngā mōhiotanga, ko tōna tūāpapa, ko ngā rangahau i ngā ara ako

Te Take Mātāmua 2: Ko te whakatinana i ngā ara e ōrite ana o te aroturuki i te whanaketanga me te angitu o te mokopuna

E koa ana mātou ki te tuku i ngā kai o roto i a Pāngarau i Te Marautanga o Aotearoa mō ngā Tau 0–10. E wātea ana tēnei wāhanga ako hei whakamahinga mā te tangata, ka tīmataria ā te Wāhanga 1, 2026.

[Te Wāhanga Ako o Pāngarau Tau 0-10](#)

Ka tukua i tēnei puka pārongo ngā taipitopito mō te putanga whakamutunga o Pāngarau, Tau 0-10 hei āwhina i a koe kia rite, kia tīmataria hoki tō whakaū i ngā kai hou i ō akomanga ā te tīmatanga o te tau 2026.

E mōhiotia ai e kaha ana te hāngai me te nahanaha o te raupapa puta noa i tēnei ara ako e hou katoa ana i ngā Tau 0–10, kua whakahoutia hoki ngā kai o roto i ngā Tau 0–8. Ka kitea ēnei panonitanga i tēnei putanga o Pāngarau o ngā Tau 0-10.

Ngā mea ka kitea e koe

- Kua takoto i a Pāngarau tētahi ara e mahea ana kia rere te whanaketanga i te Tau 1 ki te Tau 10, kua whakaritea ki ngā whenu e whā e whai pānga atu ana ki ngā pou e whā o Te Marautanga o Aotearoa. Ka tautohu ia whenu i tētahi mōhiotanga matua e pā ana ki te pāngarau kua whakamahia rā hei anga mō ngā akoranga matua i te whānuitanga o ngā tūārere. Ka whakatairanga ngā whenu i te hōparatanga, i te whakaoti rapanga, i te whiriwhiringa whakaaro, i te whakahāngaitanga hoki i te whānuitanga o ngā whenu o Pāngarau e mau ai i te mokopuna ngā pūkenga matatini me te māramatanga i a ia e paneke ana i te pāngarau.
- He Tangata Tūhura i te Taiao – Te Taurangi me te Āhuahanga
 - Te whārite me te pānga

- Te tauira tāruarua
- Te āhua me te mokowā
- Te taunga me te wāhi
- He Uri Whakaheke ki te Whaiao – Te Tauanga me te Tūponotanga
 - Ngā pātai tūhura
 - Te whakamahere me te kohikohi raraunga
 - Te tātari raraunga
 - Te whakamāori kitenga
 - Te tūponotanga
 - Te whakaahua me te whakamāori tūponotanga
- He Puna Kōrero i te Reo Pāngarau – Te Tātai
 - Te hanga o ngā tau whakahau
 - Te hanga o ngā tauoti: te whakarōpū; te wāwāhi, me te uara tū
 - Te whakareatanga me te whakawehenga o ngā tauoti
 - Te whakareatanga me te whakawehenga o ngā tau whakahau
 - Te tāpiritanga me te tangohanga o ngā tauoti
 - Te tāpiritanga me te tangohanga o ngā tau whakahau
- He Ākonga Mauri Oho – Te Ine
 - Te ine me te āwhata
 - Te paenga, te horahanga, me te rōrahi
- Ka ākina te whakamahinga o te tauira o Poutama Pāngarau, e nuku ai te mokopuna i ngā rauemi rāwekeweke ki te whakaaro tūhanga-kore. Ka taea e te kaiako te whakahāngai ngā mahi whakaako ki ngā hiahia o te mokopuna, mā te whāngai kupu, mā ngā whakaahuahanga, mā te ako ngātahi hoki.
- Ko ngā tukanga pāngarau, pēnei i te tūhura, i te whakaaro whai take, i te whiriwhiri whakaaro hoki, te tūāpapa o te ako. Mā ngā kaiako ngā mokopuna e ārahi ki te whakamahi i aua tukanga kia pakari ngā mōhiotanga, kia tika hoki te whakamahinga o aua mōhiotanga.
- E kaha hāngai ana te Poutama Pāngarau ki te wāhanga ako o Pāngarau mā te tautoko i te mokopuna mā roto mai i ngā tūārere e whanake haere nei ngā akoranga pāngarau i ngā wheako tūhanga, ki ngā whakaaturanga tā, ki ngā ata ā-hinengaro, ki te whakaaro tūhanga-kore. Mā reira e mōhiotia ai ka whai wāhi, ka pārekareka hoki ngā mokopuna katoa, tae atu ki ngā mokopuna o te io aro-huhua, ki te pāngarau nā runga i te whai tikanga.

Ngā momo tautoko

E marama ana mātou ki te korenga e taea o te whakatinanatanga e whai hua ana, e toitū ana hoki i te pō kotahi – mā te ū ngātahi me te ū tonu anake e taea ai. Hei tautoko i te kaiako i te whakahoutanga o te rārangi wā mō te marautanga, ka tautokona ngā kura i ngā taumata katoa o te mahi.

Ka whai wāhi ki ēnei momo tautoko:

- Te whakahoutanga o ngā kai o te Rangaranga Reo ā-Tā me te Poutama Pāngarau hei hāpai i te whakamahinga o ngā ara rangaranga o te pānui, o te tuhituhi, me te pāngarau.
- Ngā rauemi hei tautoko i ngā kaiako kia mārama ki te anga hou me ngā āhuatanga tāpua o ia wāhanga ako.
- Ngā whakangungu (PLD) e hāngai pū ana ki ngā mahi, tae atu ki ngā PLD e whāiti ana ki ngā kaupapa, me ngā PLD e aro ana ki te ārahi i ngā panonitanga.
- Tētahi Ratonga Ārahi Marautanga hei tautoko i a koe kia wetekina ngā kai o te marautanga i te Wāhanga 4, i tua atu anō hoki
- Ētahi Taiopenga Marautanga mō ngā Tau 0-8 me ngā Tau 9-13 mā ngā kaiārahi i ngā kura
- Ētahi Kete Ako e hāngai ana ki ngā Tau 9 me ngā Tau 10 kei reira ētahi:
 - Kupu aratohu ki te kaiako, tae atu ki ngā mahere ako
 - Ngohe mō te akomanga
- Ngā tuhinga weteoro hou, ngā hautaka hou, me ngā rauemi e hāngai ana hei tautoko i ngā kaiako

Ngā Momo Tautoko Hou mō ngā Tau 9–10 i te Pāngarau

Ā te Wāhanga 1, 2026, ka whakaritea ētahi PLD me ētahi rauemi mā ngā kaiako o ngā Tau 9-10 hei tautoko i te whakahaerenga o te marautanga kua whakahoutia. Ka ōrite te nui o tēnei tautoko ki ō tā mātou i tuku ai ki ngā Tau 0-8.

Ka tukua, i ēnei rauemi, ngā taputapu matihiko ki ngā kaiako, tae atu ki ngā mahere ako, ki ngā rauemi whakaako me ētahi rauemi whakaharatau mā te mokopuna.

Ka kitea ngā rauemi tautoko ki a Tāhūrangi [Te Marautanga o Aotearoa](#)
